

Pintu air baharu

perlu dibina

Sinar Harian
8/11/2018 M935

Cadangan sebagai penyelesaian banjir kilat



Budiman (tengah) melakukan tinjauan di ban laut Kampung Parit 5 Sekinchan.

SEKINCHAN - Sebuah pintu air baharu dirancang dibina di Kampung Parit 5 Sekinchan, di sini, bagi memastikan lebih air dari kawasan sawah dapat disalurkan ke kawasan laut.

Ahli Parlimen Sungai Besar, Budiman Mohd Zohdi berkata, kerja-kerja pembinaan pintu air baharu itu dijangka mula dilaksanakan dalam tahun ini.

"Pembinaan ini perlu disegerakan bagi mengelakkan masalah di kemudian hari.

"Kita harap pintu air baru ini nanti dapat mem-

bantu menyelesaikan masalah banjir kilat yang dihadapi penduduk sekitar terutamanya ketika fenomena air pasang besar," katanya.

Budiman yang juga Adun Sungai Panjang berkata, cadangan pembinaan kunci air yang lebih besar itu adalah bagi menggantikan kunci air sedia ada.

"Pada masa sama, hasil tinjauan hari ini, saya juga akan memanjangkan cadangan kepada pihak berkaitan supaya ban laut sepanjang 1.5 kilometer di kampung ini dinaikkan taraf," katanya.



● Naik taraf ban laut sejauh 1.5 kilometer

perlu dilakukan sebagai langkah pencegahan jangka masa panjang

Menurutnya, cadangan itu sebagai langkah pencegahan untuk tempoh jangka masa panjang selain bagi memastikan ban laut tersebut mampu menghalang limpahan air laut khususnya ketika fenomena air pasang yang berlaku saban tahun.

2